

審視瑤函

審

視

瑤

函

秣陵傅仁宇先生纂輯
廣陵林長生先生較補

重訂眼科大全

R276.7
3

姑蘇二友堂梓

審視瑤函弁言

素難而後有顓科猶六經而後有子史
也其旨元令人罔象而蒐珠其理微令
人碧落而占氣其奧沉令人望洋而觀
瀾以故鼎之貴者恒斑駁以徵奇業之
端者須鞭草以灼膜操一技工一術必
期扁之斲輪庖之批窾致精造極而再

絕藝謂必求之桐君秦越之壇庶幾乎
遇其人而不意仁字傳君一快觀之君
舌則蓮品則仙道濟博施則省山子瞻
不佞承乏院署初物色於鳳臺鷺渚把
臂磬譚而使我喜不能寐也喟然歎曰
世有碩德長者傳君若而人與之聯馬四
承明出其補天鴻勳浴日月而蕩乾坤

復何事之難濟爲君槃阿樂泌一衲一
瓢脩然自足將營菟裘而壺隱焉餌施
昏瞶而不尸功澤漉閭黨而不任德心
齋詖庭幃而守之若維摩檀施浹耆闍
而奉之若鳩摩藹藹乎與物同春利之
而不庸脊脊乎與時分憂習勩而勿縈
且燕貽承芳道光繼志上自克家次追

義方箕裘式穀聿啟象賢若萬石君家
不言而躬行君備有焉語云不知其系
視其教長公維藩同事僚契坦甥文凱
美秀而文矧淑慎爾止接踵聯璧若鸞
鷟之軼雞羣行將展六翮而搏南溟天
祚明德有開必先其佑積慶而錫之令
終者詎鮮券哉歲甲申君家枕中之秘

審視瑤函就帙而巧正不佞余矢隻語
以勸之曰珍之獨曷若寶之衆私而家
曷若公而國君請梓諸仁宇遂踴躍摩
頂拈花襲香向大士如來壇前一發宏
誓出審視瑤函廣錢薛濤牋端永爲三
千大千琉璃震旦普渡一切千手千眼
不住聲色香味觸法施之是舉也不佞

何敢夷瑤函爲一門筏渡直尊爲海岸
慈航可矣是爲序 昔

崇禎甲申菊月穀旦

中議大夫資治尹加光祿寺少卿仍掌太
醫院院使事通家友弟陸彬頓首拜撰

凡例

目受五臟六腑之精華。若日月麗天而不可掩。右陰左陽。涵光毓采。吐桑浴淵。胸腹迭行。坎離失度。一錯經燮理不齊。民病爲殃。人開卷了然。至於五臟主病。五行附麗。五音分導。五方風氣。浸淫爲厲。各有專司。安事拼贅。是函授自烈祖奕葉鑽研。經歷三十餘載。復訪名公宗匠。講究印可。廣購藏書。藥方芟繁。輯簡間有立論堪採。而主方雷同。有單方擅譽。而症候不明者。添煩雖工。效輦知。陋槩不敢載。

一五輪八廓各分攸司。象形取義。腑臟部署。暮分星。

間不容髮俗僅得其皮毛茲盡蒐其精奧按經辨症
補瀉得宜先巡輪廓之變隨察受病之源主客逆順
毫釐千里闕謬辨誤亥豕晰分庶逖覽者可按圖而
索駿施泊者不致罔象而探一爾

歷來醫案自漢華元化獨振元首倪仲賢集金玉大
成以及四大家龍木論若七十二家各樹幟壇坫
迭奏宮商抑稱鈞天異響哉然有效臻獨得而瑕不
言疵理由瓶獲而迥別青黃者出朱入墨鵠鶩難分
不載

一治法分門迥若雲泥陰陽變換具有權衡不察司天

無以辨六氣五運之極不驗經絡無以審內外三因
之候不參奇經無以證七情六淫之氣虎訣雖存鵠
眸難別是函翼經宜化循法審因取原機啟微爲鵠
輔以諸家鴻論證驗天行贅理時氣綱領條目珠聯
繡錯庶迎刃以解入彀而中爾

一用藥寒熱猶用兵虛實確有主見非空拳射覆隔靴
搔癢者比也灼其受病於某經主症於某絡病因於
某部感觸於某候宜溫宜涼內外表裏一以貫之若
不揣其本而治其末宜熱而反以寒沃之宜寒而反
以熱熾之乃圭逆施攻砭倒置鮮不旋踵而滋之殃

者可不慎哉

一湯劑丸散藥味用雖不同而治法亦異有宜丸者宜散者宜水漬者宜膏煎者亦有一物兼宜者亦有不

可入湯酒者並隨藥性湯者盪也去大病用之散者散也去急病用之丸者緩也不能速去之舒緩而治之也丸散分兩可多可少若剉爲劑必須七錢至八錢以爲中正羸弱者五六錢爲劑壯盛者必須兩餘方得其效少則藥力不足多則不勝藥勢

一製法必須極工用藥料須擇道地若不揀擇精良以僞抵真徒費工力何能取効如炮煨者以整藥入於

灰火中或用麵裹濕紙重裹炮令藥上有烈紋者方
熟附子南星豆蔻之類是也炙者以整藥塗蜜或姜
汁酥油童便酒漿等物塗浸於藥上用炭火炙令香
熟得宜黃芪厚朴甘草皂莢龜板鱉甲之類是也煨
者以整藥入在炭火中穩定燒熟爲度牡蠣石決明
石膏蘆甘磁石之類或用水醋童便淬飛是也焙者
以綿紙隔藥火烘令香脆天麥門冬葶藶石棗之類
是也炒者以銀鍋砂鍋內炒令香脆得宜勿令焦枯
過失藥性若煉蜜者每一斤只煉十二兩五錢爲定
火少火過並不相宜

一開導猶鏡面拭塵而釜底抽薪也。寶鏡之機陽秋鍊鏡不啻家論而戶曉之至。擬雲觀日掃壘見天稱能手者。則罕觀焉。是函本自家鉢珍踰百朋。蓋垂掌而味溢黃芽。凝眸而香霏絳雪者。匍匐經年。俄頃建績。匪侈口乳石而烹鳥煉兔者類也。宜載。

古人治目。凡藥力遲緩不能急速取效者。則用針刺以濟其急。然醫者必須熟明經絡症的穴。真無不應手取效。但今人去古已遠。一聞針灸。心懷怯懼。是以醫心懈怠。鮮工於此耳。孰知其取效敏捷。大起沉疴。善用之者。靡不有驗。其治疾也。豈曰小補云爾哉。

一著篇立論汗牛充棟非炫名以逐羶則市惠而戈利
求卮言之中乎竅而灼見筋膜者蓋什未有一矣是
函堅白孤鳴而理必晰於粹精按經攷古而症不遺
手險怪列部分門鑽骨析髓審輪定廓察色觀形開
卷瞭然灼如觀炬較目寶論益詳散金碎玉篇愈著
令見者洞心而鑒璧分光焉或亦持顛扶危之一助
云爾備載

一立方施症研古敲今歷有成論匪臆造則度漫焉嘗
試者同也昔人載一百六十症則失之濫上古著七
十二症則失之簡是函摘要刪繁纖鉅名篇定爲一

百有八症。設蒙瞽開豁茅塞。務令陰陽之縷晰標。
本之攸分。內外表裏之條貫。虛實逆順之各殊。鑒形。
辨色。以驗其因。按候察部。以鏡其要。若夫智圓行方。
化裁酌量。活活潑潑。時措咸宜。我不執方。方必符症。
症自合方。隨方隨效。神而明之。存乎其人。不遇其人。
方不虛傳。高遠之士。盍請鑒諸。

復慧子維藩氏識

傅氏眼科審視瑤函總目

卷之一

凡例十二條

前賢醫案

五臟所司兼五行所屬

動功六字延壽訣

太極陰陽動靜致病例

五輪定位之圖

八廓定位之圖

五輪歌括

五臟主病

八廓歌括

八廓主病

臟腑表裏三陰三陽輪廓貫通

五運之圖

六氣之圖

逐年六氣總論

已上俱載首冊